

R: 3

Çima Seîd Murtezewî nehat cezakirin?



R: 5

Hilkêş - dakêşa pêwendiyên navbera Îran - DYA



R: 7

Êrîşa ser Îranê, senaryoya Pintagonê



R: 8

Roja Cîhanî a kedkaran û rewşa wan di Îranê de



Bidestveanîna Mafên
Netewî
Yên Gelê Kurd Di Çarçoveya
Îranek Demokratîk û
Federal De

Hejmar: 182
5'ê Gulana 2012'an
Buha: 150 Tûmen

Agirî

Konseya Ewlekar: Îran hevkarîya ajansê bike

Pênc endamên konseya Ewlekar a NY, roja Pêncşemî, 3'ê di daxuyaniyekê de daxwaz ji rejîma Îranê kirin ku li dor çareserîya pîrsa navîkî a xwe hevkarîya ajansa navnetewî a Vejena navîkî bike. Herweha nîgeraniya xwe ji anîn ziman ku Îran li piratîk de pabend nine bi sozên xwe. Eva jî li halekê de ye ku qirare çend rojên din got û bêjn navîkî li navbera girûpa 5+1 û Îranê de birêve biçin.

Duheftînameyek siyasî, civakî, çandî û giştî ye ku Partiya Demokrat a Kurdistanê Îranê diweşîne

www.kurdistanmedia.com/kurdî

Kolberên kurd goriyên bêberevan



Hêzên rejîma Îranê gellek bêrehmane her roj ciwanên Kurd dikine armanca gulleyan û canê wan jê distînin.

Li gorî zanyariyan hêzên rejîma Îranê roja pêncşemiyê 3'ê Gulanê dîsan kasibkarên Kurd dane ber gulleyan û li encam de li herêma Alana Serdeştê 4 kasibkarên Kurd kuştin.

Her piştî vê cinayetê di navbera hêzên rejîmê de jî şer û pevçûn pêk hat ku 4 kes ji hêzên rejîmê li encama wan pevçûnan de hatine kuştin û 3 kes jî bi tundî birîndar bûne.

Li gorî nûçeyê Kurdpayê, tenê li wan 45 rojên borî de aliyê kêm 8 kasibkarên Kurd bi teqekirina rasterast a hêzên rejîma Îranê canê

xwe ji dest dane. Her li vê derheqê de kempîna navnetewî a Mafê mirovan di raporekê de eşkere kir ku li yeksala borî de 74 kolberên kurd bi destê hêzên rejîma Îranê hatine kuştin.

Zanyariyên berfirehtir di vê derheqê de li rûpela 7'ê de bixwînin.

Artêşa Sûriyê tawanên şer encam dane

R: 2



Erebistanê derheq her sê giravan, rijd Îran rexne kir

R: 2



Sergotar

Hikûmetek ku fesad jê dibare

Selîm Zencîrî

Mijara herî germ û gurr li qada siyasî a Îranê û rikeberiyên navxweyî de ku van rojane em berdeham dibihîzin, basa dizî, talan û gendeliyên bi milyardî ên berpirsiyarên rejîma Îranê ye. Tawan û pişeya ku beşek sîstematîk e ji siyaseta fermî a rejîmê û xîmê wê jî li ser wê esasê hatiye avakirin.

Xala esasî ku bûye dînamîzma eşkerebûn û rûbûna destê talançiyên, ne edalet û şopa yasayê ye, belkî dijberî û hevrikiyên band û taqimên desthilatdar e ku li ser parvekirina samana giştî a xelkê û para zêdetir wekî guran berbûne canê hev û hev û din bi dizî û pêpeskirina yasayê tawanbar dikin. Dewsa talan û diziyên jî derdixe ku her ji moreyên herî biçûk heya serfermande û serkarwanê dîzan anku Xamîneyî bihevî şîrîk in, û zêdeyî sê dehsalan in ku bi xwîna xelkê û samana wan dijîn.

Eva ku nîgeranî û tîrsa Xamîneyî û berpisan zêdetir kiriye û hawar dikin ku zêde pêre neçin û wan faylan perdepoş bikin, riswa bûna zêdetire wan e li nav xelkê Îranê. Lê êdî nema ew serdem, niha naverok û kakila esliye wan ji her demekê pitir derketiye û rewatiya ku îdeaya wê dikin, bûye bulqa ser avê. Ji ber ku ew diziyane li demekê de eşkere dibin ku piraniya xelkê Îranê li bin hêla hejariyê de dijîn. Bêkarî, helawsan, giranî û ...hwd gihane kopika xwe û fesad mîna baranê ji her aliyek hikûmetê dibare û xelik tûşî nehametiyê kirine, lê ew fesad niha mîna kirmê darê berbûye canê dara fesada hikûmeta îslamî û ne ji derve, belkî li navxwe de li halê rizîn û hiloşiyane ye.

Peyama pîrozbahiya Sekreterê Giştî yê PDK Îranê bi boneya 114'mîn salvegera rojnamevaniya Kurdî

Deqa peyama birêz Hicrî bi vî awayî ye:

Bi boneya 114'mîn salvegera belavbûna yekemîn rojnameya Kurdî, ez pîrozbahiyek gerim pêşkêşî hemû rojnamevanên derwest ên Kurdistanê û hogirên rojname û rojnamexwînan dikim.

Bi taybet di vê rojê de yad û bîranîna gişt wan pênûsên wêrek û azad dikim ku di hêla hizra azad û gihandina zanyariyan ku beşek neveqetiyayî ji demokrasiyê ye, zehmet kişandine û niha jî ji şopandina wê riyê berdewam in. Rêz û pêzanîna ji bo gişt wan

rojnamevanan bi taybetî rojnamevanên Kurd li Kurdistanê Îranê ku di pêxema cî bi cîkirina erkên rojnamegeriyê de hurmeta pênûsên xwe parastine û serê xwe ji bo rejîma dijî azadî a Komara Îslamî neçemandine û bi wê tometê ketine ber heps û îşkenceyan.

**PDK Îranê
Sekreterê Giştî
Mistefa Hicrî**

22'ê Nîsana 2012'an
3'ê Banemerra 1391'



Erebistanê derheq her sê giravan, Îran bi tundî rexne kir

Di doma nakokiya di navbera Îran û welatên Erebi de, Şazade Nayif Bin Ebdilezîz hişdarî da ku hikûmeta Riyazê gefa li dijî welatên Erebi ên derdora kendavê qebûl nake.

Şazade Nayif di civîna Wezîrên Navxwe Ên Welatên endam di Şêvira Hevkariya Kendavê, li Riyazê de got: "Her cur xisargehandin bi welatên Erebi derbelêdan li me ye jî".

Artêşa Sûriyê tawanên şer encam dane

Saziya Çavdêr a mafê mirovan, artêşa Sûriyê bi encamdana tawanên şer di heyamê pêş lihevhatina agirbesta 12'ê Avrîla îsal tawanbar kir.

Vê saziyê bona selimandina rastiya wan tawanên, di rapora xwe de bas ji îdamên bê dadgehî kirin, herifandina malên xelkê, îdama zarokan û desteser kirin û îşkence dana xelkê bê dedgehî kirin kiriye.

Partiyek nû ya îslamî ava dibe

Li Bakurê Kurdistanê hewldana avakirina partiyeke îslamî

Li Bakurê Kurdistanê ev demek dirêj e ku hewldana partiyeke îslamî ya kurd tê kirin.

Li ser hewldana avakirina weha partiyeke, Parêzer Sidqî Zîlan ragihandiye ku: "Em ne li dijî AKP û BDPê ne!"

Zîlan dibêje ew ê di meha Hezîranê de bi fermî partiya xwe ava bikin.

Sidqî Zîlan herweha zêde kiriye ku li Bakurê Kurdistanê tu partî tune ku nûnertiya kurdên îslamî bike û dê partiya wan hewl bide ku nûnertiya kurdên misilman bike.

Çavdêr li ser vê baweriyê ne ku li weha egerekê de ew partî dikare gelek dengên AKP'ê ku kurd in û bi sedema rol û hestê îslamîyê tevî bûne, jê bistîne.



Pîlana revandina balyozê Erebiyan hate pûçkirin

Dezgehên ewlehiya Mîsrê sê kesên ser bi rejîma Îranê destbiser kirin, ku li cem wan belgeyek derbarê pîlana revandina balyozê Erebiyan hate dîtin.

Şêvirmendê Hiqûqî yê balyozxaneyê Erebiyan li bajarê Qahire eşkere kir ku, pîlana revandina balyozê Nûnerê Erebiyan di Yekîtiya Ereb de hate pûçkirin ku ji aliyê girûpeke ser bi Îranê ve hatibû darêtin.

Cemaledîn Şêvirmendê Hiqûqî yê



balyozxaneyê Erebiyan li bajarê Qahire de got ku balyozxaneyê Erebiyan û herweha Konsulgeriyên Erebiyan li bajarên Eskenderiye û Soêzê, seba gefên ewlehiyê ên micid û nîgeranî ji terora balyozê Erebiyan hatine daxistin.

Biskên jinan dîsan bi hezaran polîsên jin di Îranê de xiste tevgerê

Zêdetir ji 70 hezar polîsên jin bona çavdêrîkirina hicaba jinan, rijîyan ser kolanên Tehran û bajarên din yên Îranê.


Li gorî nûçeya Şehrîzad newse, ew polîs ku bi polîsên exlaq hatine naskirin, bi tenê bi aghdarî û gefan razî nabin, û di hember jinên ku ber xwe didin û guh nadin aghdariyên wan, di gel lêdan û destdrêjîyan berbirû dibin.

Obama dorpeçên zêdetir li dijî piştevanên rejîma Îran û Sûriyê pesend kir

Serkomarê Amerîkayê di biryarek taybetî de deshîlata Wezaretê Xeznedariyê Zêde kir da ku bikare dorpeçên ducarî li dijî wan sazî û kesayetiyan zêde bikin ku bûne arîşe di hember birêveçûna tehrîmên bi dijî Îran û Sûriyê.

Di biryara Obama de hatiye ku Wezaretê Xezanedariyê dikare hesab û darayiyên kesên ku peywendî di gel rejîma Dîmeşq û Tehranê de hene bisekinîne, û herweha Wezaretê Derve dikare dorpeçên peywendîdar bi vîza û hatûçûyan jî bi ser wan de bisepîne.

Çima Seîd Murtezewî nehat cezakirin?



Luqman Mêhrfer

Seîd Murtezewî ku bi dozger Murtezewî tê naskirin, kesek niye ku bi tenê di cîneyetên Qesabxaneyê Kehrîzekê de rol lîstibe û cîneyet kiribe. Di serdemê Serkomariya Xatemi de yek ji wan kesan bû ku di bêrehmîyê de bi navûdeng bû. Wê serdemê di givaşa ser nivîskar û xwedî pênûsan de destek bilind hebû. Lewra bi qatîlê çapemenî û ragehandinê dihat naskirin.

Piştî nearamiyên dewra dehem a serkomariyê û riswabûna cîneyetên Kehrîzekê, Murtezewî ji berpirsatiya xwe hat dîrxistin. Di Sermawezê sala 1388'an de, heyetek taybet ji aliyê parlamentoyê bo pêdeçûn bi keysa Kehrîzekê hat diyarîkirin, di encama lêkolîna heyetê de tometbarê sereke û kesê yekem yê vê bûyerê, Seîd Murtezewî hat nasandin. Tawanên navbirî beşdarî di tawana kuştin, bînpêkirina mafên hemwelatiyan, şikandina keramet û kesatiya mirovî ya însanan

bûn. Piştî vê ku cîneyeta han di asta derve û hundur de bi awayek berfireh deng we de, Elî Xamineyî Rêberê Komara Îslamê neçar ma ku, bi hêceta îstandart nebûna pîvanên girtîgehan, biryara daxistina Kehrîzekê da. Eva ku di vê navberê de balkêş û cihê lêfikirîne ye biryarên rêber û serkomar in, çunkî rêber biryar dide ku keysa Kehrîzekê bihê daxistin û lêkolîn ji Murtezewî nehê kirin, hewdem Ehmedî Nejad ji piştî dîrxistin li dozgeriyê, navbirî weke nûnerê taybet ê xwe û Serokê Nawenda Xebat li dijî kelûpelên Qedexê û erz diyarî kir. Weha tê xuyakirin ku xelata Murtezewî li gorî cîneyetên wî kêmtir be, lewra digel Şêxolîslamê Wezîrê Te'awon, Kar û Asayîş (Rêfah) a Civakî, weke birêveberiya giştî ya Te'mîna Civakî hat diyarîkirin. Piştî wergirtina berpirsatiya han ji aliyê Murtezewî û dest bikar bûna wî, pêlek berfireh ji nerazîbûnan di hember cîneyetkar Murtezewî û helwest û biryarên karbidestên rejîmê serî hilda. Di vê navberê de duberekî ket navbera parlamentoyê û deshîlata cîbicîkirinê de, ku ev jî bi hizra min xapandinek din e, da ku bikarin heya heyemekê xelkê pê mijûl bikin û arîşeya sereke di hizra giştî de nehêlin, jiberku parlamentoyê pêşdetir heyeta taybet bi lêkolîn ji dosiyeya Kehrîzekê ava kiribû. Piştî ku heyeta diyarîkirî rapora encamên lêkolînên xwe pêşkêş kirin, Murtezewî bi tawanbarê sereke û kesê rêza yekem ya vê cîneyetê dan nasîn. Di cihê de ku bi awayek micit û dadperwerane tevbigere, bêdengî ji dosiyê kirin. Piştî vê ku nehat cezakirin bigre destxweşî jî hat kirin û hat xelat kirin. Bo selimandina vê rastiyê emê îşareyê bi

çend xalan bikin.

Raste ji berpirsatiya dozgeriyê dîrxistin, lê ji aliyê Rêberê ve tê azadkirin û biryara daxistina keysa Kehrîzekê û

qedexekirina lêkolînan hat dan, di hember de ji aliyê serkomar ve ji weke nûnerê taybet ê xwe û Serokê Nawenda Xebat li dijî Kelûpelên Qedexê kirî û Erz ve hat destnîşankirin, Wezîrê Teawon, kar û rifah jî weke berpirsatiya Orgneke hestiyar jêre hat diyarî kirin. Nûnerên parlamentoyê niha du mercan dixin pêşiya Wezîrê de, yekem heke Murtezewî bi xwe dest ji kar nekişand dibe bihê derxistin, û ya duyemîn ew e ku heke xala yekem nehê cîbicî kirin, dibe Wezîrê ji ser kar derxin, û bê rohnîkirin ku çawan û bi çi meremê ev berpirsatiya pê hatiye dan, yan ku çima nehatiye derxistine? Dema ku rûyê rexneyan ji dezgehên Qezayî ye, Mohemed Mosediq Cêgirê Hîquqî û Qezayî yê Rêxistina Hêzên Çekdar, li ser encama dawîn a rewşa keysa Kehrîzekê weha dibêje; bi nêrîna me lêkolîn li ser keysa Kehrîzekê bidawî hatine, û ev keyse jî weke hemû keysên din, bi merema pêdeçonan de bo dîwana bilind ya welat bêne şandin. Eva bû ku biryara herî dawî ji aliyê serdozgerê Tehranê ve hate eşkerakirin, û Seîd Murtezewî weke tawanbarê sereke û tawanbar hate nasîn.

Lê niha pirsyarekê tê berbas û ev jî ev e ku gelo piştî lêkolîn û



eşkerakirina belgehan, Hêdad, Heyderî Fer û Murtezewî yê bîhê cezakirin? Bersiv eşkere ye, nexêr, jiber ku kesatiyên han taybet ji aliyê serkirdên rejîmê ve bi merema cîneyet û serkutê hatine perwerdekirin, kesên han kêmtir nînin ku destên wan bi xwîna azadixwaz û xebatkarên mafên medenî û nemaze xelkê bê gûneh jî sor bûye, her yek ji wan di qonaxekê de derdikewin, bi fermana rêber jî radibin û ji aliyê wan ve tîrî piştevanîkirin.

Xelxalî di serdemê Xumeynî de Qesabxane ava kiribû û pêla mirina xortên Îranê bi giştî û Kurdistanê bi taybetî xiste kar, di dawiyê de got ku min her karek bi emr û fermana Îmam cîbicî kiriye !! ne bi fermana xwe. Her karek ku ji aliyê Hêdad, Heyderî Fer, Êjeyî û Murtezewî ve hatibe kirin, erêkirin, û wajo ya Elî Xamineyî li ser bûye, eger kesek mîna Seîd Îmamî bi şewazek ne rohn di girtîgehê de tê kuştin, gomana vê yekê heye ku bi destê wan hatibe kuştin, seba eşkere nebûna hemî remz û pîlan û wan cîneyetan ku di bin siya wan de beşek hatine cîbicîkirin û beşek jî niha di qonaxa cîbicîkirinê de ne. Lewra qatîlê Kehrîzekê Xamineyî ye na Hêdad, Heyderî Fer û Murtezewî, ew amrazên cîbicîkirina qetl û cîneyetan, ne biryarderên sereke.

Îran û roja cîhanî a azadiya

belavokan!

Lê mixabin em îsal di demekê de hevdehemîn salvegera roja cîhanî a azadiya belavokan bi bîr tînin ku pêka raportên rêkxirawên cîhanî, rojnamevan, wêblagnivîs û çalakên warên rojnamevaniyê di Îrana bin siya deshîlata biyom a rejîma Komara Îslamî de, li rewş û zirûfek bi tewahî emniyetî û daxistî û tevî diwartirîn tepeserkirin, eşkence û darvekirinê re berbirûn.

Komara dijî azadiyê her di yekem roja bidestvegirtina deshîlat û sepandina îradeya pawanxwazane a xwe bi ser gelên tîniyê azadî û demokrasîyê di Îranê de, herterze azadiyê raderbirîn û veşana belavokên azad di Îranê de qedexê kir û bi bihêzkirina navendên sîxorî û tepeserkarên xwe, bi tundî berengarî rojnamevanan, wêblagnivîs û xebatkarên warê rojnamevanî û ...hwd dibûn û ev pêvajoyê niha jî bi awayên cur bi cur û sistematîk didome. Bi terzek ku tenê di du salên borî de, zêdetir ji 150 rojnamevan hatine biçavkirin û heya niha jî piraniya wan her di hepsîxanan de ne, û serbarê eşkence û

lêdana wan, bi cezayên giran û demdirêj re hatne mehkûm kirin. Qasî zêdetir ji 200 rojnamevan bi hegera nebûna ewlehiya canî bi neçar ber bi welatên biyanî ve koç kirine.

Qasî 40 rojname û belavok bi hincetên cur bi cur ji aliyê rejîmê ve hatine daxistin. Zext û givaş roj bi

roj bo ser xebatkarên warê çapemenî û rojnamegeriyê di zêdebûne de ye. Zêdetir ji du salan e ku "Civata Sivîl a Rojnamevanên Îranî" weke êvirgeh û pêgeha cihê hevî û baweriya rojnamevanan, deriyê ve bi rûyê zêdetir ji 4 hezar endamên wê hatiye pilomp kirin û rewşek dijwar a ewlehiyê û polîsî bi ser de hakime. Siyaseta sansor, parazê û filterkirina her terze alav û teknolojiyek, nemaze mahware û internet û ...hwd, ku dibe hegera veguhastina zaniyarî û jêhelbirina astê hişyarî û têgehîştina civakê, bi awayek ektîv û berdeham ji aliyê rayedarên rejîmê ve, pêrewî jê tê kirin û ev pêvajoyê herwisa berdeham e.



Mixabin Îran ji rojnamevanan re bûye Gowantanamoyeke mezin. Her pêka rapora UNSCO'yê, Îran niha mezintrîn hepsîxaneyê rojnamevanan di cîhanê de ye.

Lê serbarê tev hewlên tepeserkarane yê komara azadîkuj û cihgîrkirina rewş û zirûfek daxistî û emniyetî di welêt de, rojnamevan, xebatkarên warê belavokan di Îranê de, çî di nava zîندانan û çî li derveyî zîندانan, di warê bihêzkirina hizrên azad û gehandina zanyariyên dirust bi civakê, bi berdehamî dixebitin û niha jî li ser pîvana vê riya pîroz berdeham in.



Dara Natiq

Roja 2'ê Mey, li ser pêşniyara rêkxistina Nûçegehane bêsînûr û li ser biryara saziya cîhanî a UNSCO, weke roja cîhanî a azadiya belavokan hatiye binavkirin heya ku di vê rojê de li sertaserê cîhanê de, rêz ji xebat û tekoşîna tev rojnamevanan di biwarên cur bi cur de bê girtin.



Neewlehiya civakî bajarê Bokanê hejand



Azad Kurdi

Destpêbûna diyardeya revandina zarokên dibistanan û xwendekarên kêmtemen li bajarê Bokanê Rojhilatê Kurdistanê di meha Nîsanê de civaka Kurdistanê hejand û rojev bi xwe re mijûl kir.

Kuştina bêhtirî 10 zarokên Kurd li Bokanê Kurdistan hejand. Her kesî bala xwe da şirove û analîzkirina van cinayetên ku goriyên sereke jî zarokên Kurd bûn. Zarokên ku ji aliyê grûpek xerabkar û cinayetkar hat/tê meşandin û piştî ku zarokên Kurd direvînin, tecawûzê bi wan dikin û di dawî de jî difetisînin.

Grûpa han ne naskirî ye, lê pirranî di şev de gefê li hevvelatiyan dixwen. Çalakvanên mafê mirovan û hevvelatiyên sivil bawer in ku grûpên bi vî awayî bê hevkarî, haydan û piştgirîkirina karbidestên dewletê nikarin kiryar wiha cinayetkarane bimeşînin. Ev bûyerên xemgîn û dilşewat bûn sedema ne ewlehiya civakî li Kurdistanê û bi taybet jî li bajarê Bokanê. Hezaran kes jî hevvelatiyên Bokanê di meşên aştiyane û sivil de, ev cinayet şermezar kirin û hevdem rexne û nerazîbûnên xurt ji tevgerên sar û xemsariya hêzên Komara Îslamî nîşan dan.

Di welatekê de ku sîstema tekûz nebe û ewlekarî di civakê de tunebe, encamdana van kiryanan heta qasekê normal dixuye, lê di sîstemek wek Komara Îslamî de ku kontrolkirina hevvelatiyên sivil di warê siyasî û civakî de pirr sîstematîk û tekûz rêve diçe, meşandina van kiryanan cinayetkarane li dijî zarokên bê guneh mirov şaşmayî dike. 33 sal in ku Kurdistan ji aliyê hêzên leşkerî, sîxorî û ewlekariya Komara Îslamî ya Îranê bi tevahî hatiye

mîlîtarîzekirin. Lê hevdem li Kurdistanê û pirr herêmên din hindêk grûpên cinayetkar serî hil didin ku ewlehiya civakî û jiyana hevvelatiyên sivil binpê dikin. Komên ku armanc ji kiryarên wan tenê pêkanîna atmosfera xof, tirs û wehşetê ye di nav civakê de.

Dema ku hevvelatiyên Kurd ên bajarê Bokanê li hemberî vî diyardeyê dest bi nerazîbûna sivil kirin, hêzên ewlekarî û leşkerî bi xurtî ligel beşdarên meşên sivil rûbirû hatin. Ji bajarên Urmiye û ên derdor hêz ji bo qirkirin û çavdêrîkirina meşên hevvelatiyan anîn Bokanê. Gellek hevvelatiyên sivil ên Kurd di van meşên aştiyane de binçavkirin. Heta kesûkarên zarokên kuştî jî girtin û rastî lêpîrsînê hatin kirin. Ji bo van tevgeran ew hêzên parêzerên ewlehiya civakê ne, tenê ji ber ku desthilata xwe biparêzin, lê ji bo kontrolkirin û kifşkirina grûpên cinayetkar ku zarokên Bokanê direvînin, tecawûzê bi wan dikin û piştî bi awayekî hovane dixeniqînin, nikarin ti karekê bikin!

Bêhtirî mehekê ye ku jiyana normal û sivil li bajarê Bokanê tune ye, ji ber ku malbat bê hêvî ne ku zarokên ku şandine dibistanê bi zindî vegere malê! Çend rojan ti hevvelatiyekê ji ber kiryanên vî grûpê newêra zarokên xwe bişînin dibistanan û xwendîngeh di bêhnvedanê de bûn.

Dema sazî û dezgehên hikûmetê di rêvebirina erk û berpirsiyariyên xwe de xemsar bin, pirsgirêk û kirîzên wiha serî dil didin. Li Rojhilatê Kurdistanê û navçeyên din ên Îranê her roj em şahidê van cor bûyeran in. Roj li pey rojê diyardeyên civakî xurt dibin û mîna kirîzên metirsîdar derketine holê. Parsatina ewlehiya civakî karê hêzên dewletê ye da ku hevvelatî bikarin jiyane normal û sivil bikin. Lê zêde karê hêzên Komara Îslamî ya Îranê berevajî erkên wan in. Bi qasê ku ew li ser kontrolkirin, girtin, binçavkirin û eşandina hevvelatiyan re mijûl in û planan jê re dadirêjin, herî kêm balê didin çareserkirina pirsgirêkên civakî û ewlehiya jiyana sivil ji bo pêşgirtin li cinayetên bi vî awayê ku li Bokanê pêk hatin û zarokên bê guneh bûn gorî.

Niqurçk

Ehmed Xatemî Bêt? Serkêş ken bila bêt



Ceifer Mubeşirniya

Ehmed Xatemî, Pêşnimêjê Demkî yê Tehranê di nimêja Înê de got: "Heya rejîma Komara Îslamî li kêleka Beşar Esed be, rejîma wî nahê hîloşandin".

Eve raste!, eve rasteeeeee sed qurana!!!

Lê ferqa wê tun ye "gayê cotî", çî heta rejîma we a Komara dijî mirovan li kêleka Beşûyê qirrikdirêj be rejîma wî bimîne, çî heta rejîma Esed xwe rabigre rejîma we li ser lîngan dimîne, çîmku hûn cemikek şûm in û we şîrê

dêlikekê xweriye û demarên we yek in. Ê çawa dibe ku rejîma Esed bihê hîloşandin û rejîma we a Komara Nemirovan bi tewirdasên xwe didayî serê xelkê bimîne.

Lê bila bo carek din jî bêjim te "gayê cotî", "ez wî dikim yê dinya danî", pîlîndarê demokrasîyê wusan gela patika "Esed" girtiye, taze tu herî her du çavên wî bigrî û têliya xwe jî danêy ber cihêk din, ewê taze bitelife. Vêca tu jî hemû nimêjên Înê destê xwe bilind ke û bike ware waaaaaar, way wê quranê li şilkesera te dayî û tu kirî daaaaar, te jêwaye ku xelik wê bêje te, ay hewaaaaar? Walla wê bêjin te quzzzzzzzilqurt û zehremaaaaaar.

Dîsan gayê cotî bêhn berda!!



Xamneyî bêt? Bila tenê neyê, Mehmûd jî gel xwe bîne!

Di roja 1'ê Gulanê de kedkarên cîhanê rabûn ser lîngan û meşên aştxwazane û hêmin bi armanca rêzgirtin ji roja xwe a cîhanî birêve birin.

Rejîma Xamneyî jî ne tenê îzin neda tu kedkarekê ji mala xwe derkeve, belkî pîre hêstirê "Kewîra Lot" gote reş û rûtên xwe îzna kedkaran bidin bila biçin deşta jêrday Tehranê ji xwe re bimeşin!!!!

Walla babo başe, tenê eva mabû, xelkê bibin sehra ya hişk û rût, vêca bila Xamneyî xerezanekê destê xwe bigre û bibe sereşivan û li sergê raweste û Mehmûd jî pê kepê çilmî kopalek kema wî hendek vekirî bibe dûhajo û dangê raweste. Vêca gurzo, kotan, qesab, hirçû û tev tûle û rûtikên ku ji bo vî yekê nabin navan jî li ser danên berdî canê xelkê û "Xamneyî" bêje: Haylo daylo serra berra dê dêêê!!, Mehmûd bêje dê hirçû, dê bigir, dê bikuj, dê bikêş!!! Kedkarên hejar û nedar û bêkar terra û berra bikin belkî bi wî awayî nirxa bêkariyê heya qasekê jêrde bînin.

Çîmku eva pîşeyê wan e, neraziyan dikujin û piştî dibêjin ka? Ka nerazî!!! Siyasiyan digrin digujin û dibêjin ka? Ka siyasiyên dijber di welat de hene????!!!!





Hilkêş - dakêşa pêwendiyên navbera Tehran - Washington (2)

Ew hêviya ku bi mirina Xumeynî re ji bo alîgirên damezirandina

pêwendî bi Amerîkayê re peyda bûbû bi destpêka dewra serokkomariya Refsencanî re li sala 1989 hinekê hêz girt. Refsencanî bi nêzikkbûna xwe ya pragmatîst ji bo siyaseta derve, dixwest hem deriyê pêwendiyên dîplomatîk bi ser Rojava de veke û hem bi wê riyê ve abûriya Îranê ku di encama şerê 8 saliyê bi Îraqê re têk çûbû vejîne. Lê rêberê nûye Komara Îslamî, Elî Xameneî, ji bo nîşandana otorîteya xwe ya bê ev la û ew la bi ser hemû warên jîyan û siyaseta Komara Îslamî de meydana manovrên Refsencanî teng kir.

Lê pêşkevîna siyasî herêma şansek nû dan Refsencanî. Reqîbê serhişke Îranê, Sedam Husên, bi dawî hatina şerê bi Îranê re dubare kete hizra şer û wê carê dîfa xwe kuta Kuwêta. Havîna sala 1990 îraqê Kuwêta dagîr kir. DYA dem u dest li hember wê bûyerê helwêst girt û bi awayekê aşkere amadekariyên şerek dijwar bi Îraqê re kir. Ew helwêst dikarî derfetek zêrîn bixe destê birêveberên Komara Îslamî ji bo ku deriyê dialoga bi Amerîka re vekin. Lê eniya tundrew li Îranê, berevajî, hewl da ku bi rêjîma Sedam re bikeve têkiliyê û li hember Amerîka, bi Îraqê re bikevin dialogê. Li gor wan aliyên tundrew, Îraqek penc şikestî wê pitir bi xêra Komara Îslamî ba heya têtetina hêzên Amerîka bo nava herêma.

Di wê rewşê de her çend Îran bi awayekê fermî li pêvajoya şerê Amerîka bi Îraqê re li sala 1991 bêalî ma, lê vejiyandina pêwendiyên dîplomatîke Îranê bi Îraqê re, bi dilê Amerîkayê nebû. Lewma hewlên Refsencanî ji bo damezirandina pêwendiyên bi Amerîkayê re encamên pêwîst bi dest nexist. Tundrewiyên karbidestên payebilinde rêjîmê di warê siyaseta derve de, bi taybet şiltaxî u ajaweyên Komara Îslamî li Lubnan u Filistinê, astengiyên cidî



Ebdulla Hicab

xistin ser riya pêwendiyên asayî di navbera her du aliyên de.

Sala 1993 serokatiya Amerîka kete destê partiya Demokrat. Serokkomarê nû, Bill Clinton, bi awayekê heman duktrîn di siyaseta derveye Amerîkayê de girte pêş ku Komarixwazan bineya wê danîbûn. Rola neyênîyê Îranê di pêvajoya aştiya navbera Îsraîl u Filistinê de, pitir karbidestên Washingtonê eşand, lewma Clinton sala 1995 biryar da ku cezayên abûriya ku bi salan bû Amerîkayê danîbû ser Îranê berfirehtir bike û bi taybet pişesaziya nefta Îranê biguwêşe. Sala 1997 Refsencanî bêt ku bikare ji nû ve pêwendiyên bi Amerîkayê re damezirîne, di demekê de kursiyê serokkomariyê bi cî hêşt ku nerazîbûna xelkê Îranê li hember rêjîmê gîhabû asta teqînê.

Heyva Gulana 1997, Muhemed Xatemi, ku ji ber wadeya reformên siyasî, abûrî û civakî piştgiyariya beşeke berçav ji civaka Îranê bi dest anîbû, li ser kursiyê serokkomariya Îranê rûnişt. Xatemi di demekê de bi eşkere sîgnal dan ku dixwaze bi "xelkê Amerîka" re bikeve dialogê. Çavdêran ev mesaj weke nîşaneyê daxwaza Îranê ji bo dialoga rasterast bi Amerîkayê re şirove kirin. Lê berdehamiya siyaseta alozîxulqîna Komara Îslamî li herêma û di asta cihanî de, baweriya Amerîkayê bi mesaja Xatemi kêmtir kir. Ji ber wê hindê Amerîkayê di serî de bersivê erênî neda Xameneî, lê heyva Adara sala 2000 wezîra derve ya demêye Amerîka Xatun Madeleine Albright daxwaz kir ku rûpelek nû di pêwendiyên navbera Amerîka u Îranê vebe. Ji bo nîşandana niyeta

xwe ya xêrê Albrightê ambargoya li ser hin warên bazirganiya bi Îranê re rakir. 6 heyvan pişt re Albright u wezîrê derveye Îranê Kemal Xerazî, ji bo cara yekê piştî hatine ser kara Komara Îslamî, li New Yorkê bi hev hevdiştin pêk anîn.

Helwêst û kiryarên Komara Îslamî di asta herêma û cihanî de pir zû nîşan da ku Îran vebûna deriyên dîplomatîk bi Amerîkayê re ji bo pêşve birina siyaseta xwe ya zêdegav li Rojhilata Navîn, Amerîka Latîn, Afrîqa û komarên bîslimane Sovyeta pêşîn bi kar tîne. Bi wan pêgavan re, Sipahê Pasdaran bi awayekê berfireh kete bazara reşe bazirganiya çekan u rayilkeyek berfirehe bazirganiya çekan li hemû cihanê raçand. Bi wan pêgavan re Îranê roketên dûrhavêj û teknolojiya Atomî jî bi dest xist. Ev siyaseta li gor berjewendiyên Amerîkayê u hevpeymana wê ya herî nêzîk li cihanê, Îsraîlê nebû.

11ê Septembar a 2001 gelek pêwendiyên navneteweyî serûbin kirin. Îran dubare kete rojeva siyaseta derve ya Amerîka. Sala 2002, serokkomarê nûye Amerîka George Bushê kur, di germiya şerê bi Al-qaîde re, Îran, Îraq û Koreya Bakûr weke 3 pêpikên şerodiyê bi nav kir. Pêwendiya carna bi dizî û lertzoke her du aliyên dubare kete bin siya ewrek reş u dijberiya eşkereye navbera her du aliyên û pêvajoya dijberî û gefuguran bi cidî destpê kir.

Li hember wê rewşê Îranê jî lez da amadekariyên xwe ji bo rûbirûbûn bi Amerîkayê re. Di demekê de piştî helwêsta Bush, Îranê bi alîkariya Rûsiyê li Bûşehr, Netenz û Erakê wîzaxaneyên Atomî ava kirin û dest avête meyndina Uraniomê. Aloziya navbera her du aliyên derbasî qonaxek nû bû û kete nava hilkêş û dakêşekê bê dawî. Sala 2003 Îranê bi Ajansa Navneteweyî ya Enerjiya Atomî (ANEA) re li hev kir ku deriyên wîzaxaneyên xwe yê Atomî veke û hemû projeyên xwe yê Atomî bixe bin çavdêriya

Ajansê. Sala 2004 Ajansê perde li ser hin warên weşartiyê pirojeya Atomiya Îranê hilda û bi wî awayî gumana li ser niyetpakiya Îranê xurt bû. Ji sala 2005 ve Feranse, Alman û Birîtaniya bi awayekê çalak ketin dewrê û bi Amerîkayê re ji Îranê xwestin ku siyaseta xwe ya di warê meyndina Uraniomê de bighere. Rûsiya û Çîn pişt re xwe tevî wê grupe kirin û bi Îranê re ketin dialogê.

Sala 2005 bi destpêkirina serokkomariya Mehmûd Ehmedînijad re, rewş dubare guherî. Serokkomarê nû di hêla siyaseta derve de guhertinek cidî bi ser siyaseta Îranê de neanî, lê bi kultûra xwe ya Besîcî, kete duruşmdan û manovrên bê bingeş û bi wê riyê ve dubare bala Amerîka u Îsraîlê kişandê ser Komara Îslamî. Li heyva Îlona sala 2005, DYA ragehand ku gumana hindê heye Mehmûd Ehmedînijad heman besîciyê tundrev be ku sala 1979 di girtina Balyozxaneyê Amerîka li Tehranê de dest hebû. Wênaya gencek nûgîhayî û bi rêdîn ku pir rengî Emhedînijad dida, li şaşeyên televizyonê cihanê derket û dubare her du alî serdevkî be jî li hev azirîn. Di heman demê de Ajansa Navneteweyî ya Enerjiya Atomî eşkere kir ku Îranê gelek pirojeyên weşartî hene û bi awayekê berfireh u bi dizîka zêdetir ji ya ku dibêje Uraniumê dimeyîne. Amerîkayê piştî aşkerabûna wê hewla Îranê, Komara Îslamî bi hindê tawanbar kir ku Rêkvektina Belavnekirina Çekên Atomî NPT binpê kiriye. Sala 2006 mijara bi serdegirtina leşkerî bi ser navend û dem u dezgehên Atomiya Îranê ji aliyê Amerîka an Îrsailê ve bi germî kete rojevê.

Gulana 2006 bi destpêxeriya Amerîka, Brîtaniya û Feranse Konseya Ewlekariya Neteweyên Yekgirtî pêşniyarbiryarek ji bo dorpeçên navneteweyî ji bo sekinandina pîlanên atomiye Îranê xiste rojevê. Li ser bingeha wê pêşniyarê, di dawiya heman salê de biryarek ji Konseya Ewlekariyê li dijî Îranê derket. Lê piştî demekê kin Amerîkayê ragehand ku her çend dorpeçên berfireh danîne ser Îranê, lê amadeye ku bi Îranê re bikeve dialogê.

Ji wê demê ve heya niha çend biryarên din ji aliyê Konseya Ewlekariyê ve li dijî Îranê derketine. Amerîka û Îsraîl carna daxuyaniyê wisan tund didin ku bîna agirê şer lê tê, carna jî wisan helwêstê digrin ku tu wê bêjî ne ba hatiye û ne jî baran bariye. Îranê ji meyndina 3% re asta aşkere ya meyndina Uranioma xwe gîhandiye 20%. Ji 3-4 reaktorên Atomî re, bingeşên xwe yê ku di warê atomê de kar dikin gîhandine 7-8 an û piraniya pirojeyên xwe yê stratêjîk derbasî binê çiya û şikevtên asê u qahîm kirine û xwe gîhandiye astekê ku zehmete Amerîka u Îsraîl bi pilanek kurt û sînûrdar bikaribin pirojeyên wê yê atomî bisekinînin.

Wê berdewam be...

Gotûbêj bi armanca gotûbêjê, yan çareseriyê?



Şehab Xalidî

Şarezayên pirsî navîkî a Îranê li ser vê bawerê ne ku dema bas ji gotûbêjên navîkî tê kirin, cuda ji wan

gotûbêjên fermî û eşkere ku li ser pirsî navîkî tene encam dan, hinek gotûbêjên nihênî jî li ser vê pirsî girîng û pîr kêşe li navbera Îran û Amerîka de hene, ku di rastî de her ew gotûbêjên nihênî ne ku berpirsyarên Îsraîlî nîgeran kirine. Yekemîn lêdwana Netanyahu serokwezîrê Îsraîlê piştî bidawîhatina civîna Îstebolê û tometbarkirina Obama bi dana poanan bi Îranê li ser pirsî navîkî, şik û gumanek zaf di nav bîrûraya giştî derheq rastiya hebûna gotûbêjên nihênî li navbera Amrîka û Îranê, ku tede puan ji naliyê Amerîka ve bi rejîma Îranê hatibû dan, pêk anî. Ew nîgeraniya Netanyahu ji aliyê şarezayên vî warî ve ji dîtingehên curbicur ve girîngî pê hate dan, û hate nixandî. Lê Obama serkomarê Amerîka ragehand ku tu lihevhatinek nepenî û veşartî di navbera me û wan de tunebûye û tehrîmên aborî ên me bi dijî rejîma Îranê ve carê gellek tund û şikênertir bûn.

Lê dema ku bas ji gotûbêjên eşkere di navbera Îran û welatên pênc zêde yek bi taybetî dawî gotûbêjên navîkî ku li bajarê Stenbolê pêk hat, tê kirin, em dikarin bêjin ku renge lihevhatin li ser diyarîkirina cih û dema gotûbêjên Bexdayê - ew jî li civînekê de ku li gorî gotina

şarezayan, alîkarî û teamol li gel yektir, cihê gefxwarinan girtibû tenê deskewta vê gotûbêjê be, ku ew yek jî vê rastiye eşkere dike, ku rejîma Îranê gellek şarezayane gotûbêjê tenê bi armanca gotûbêjê encam dide, ne eva ku gotûbêjan bo çareseriyê ve pirsî aloz û pîr kêşe bixwaze, ku renge li pêşerojê de her ew pirsî aloz û pîr kêşe, bibe sedema ve ku di cihê ve siyaseta ku bi siyaseta "ne şer ne aştî" li hember rejîma Îranê de hatiye naskirin, siyaseta şer bi dijî rejîma Îranê hilbijêre.

Lê eva ku çima her du aliyên ew gotûbêj ku encama ve tenê lihevhatina li ser diyarîkirina cih û dema civîne bûye, wek civîneke pozetîv nixandine, vedigere ser du sedemên sereke, ku ya yekemîn ew e ku Komara Îslamiya Îranê dixwaze di vê rewşa pîr xirap a aboriya navxwe a Îranê de, ku bixwe afirandiyê, ji aliyekê ve zext û guşara tehrîmên tund ên navnetewî ser xwe hilîne, û di heman dem de jî cuda ji wergirtina hinek poanan ji Amerîka û welatên rojawayî, hem rewayiyê bo programa navîkî a xwe li asta navnetewî de peyda bike, û hem jî bo destveanîna demê, bi armanca domandina programa xwe a navîkî, ve xatircemî û xweşbaweriyê di nav welatên 5+1 de pêk bîne, ku wan amadeyiyek tewaw bo domandina gotûbêjên navîkî heye.

Duyemîn sedema sereke jî ew e ku welatên Ewropayî jî ji aliyekê ve di nav kirîzeke cihanî a aborî de dijîn, û daxistina pencereya dîplomasiyê û alozbûna rewşê carê ne di



berjewendiya wan de ye, û li Amerîka de jî hilbijartina serkomariyê li pêşê ye û Obama hewcehî bi pêkanîna rewşek aram û dijî şer bo destveanîna dengê xelkê heye, jiber ku derkirina her biryarekê bi dijî Îranê ku şer lê çê be, bê guman bandora xwe wê li ser encama dengdanê hebe.

Di rastî de heke rejîma Îranê bikare li hemberî xatircemkirina Amerîka û Rojawayiyan ji aştîxwazanebûna programa navîkî hinek poanên wek mehandina oranyomê bi çiriyek kêr wergire, bê guman ew poan di vî warî de ku rejîm dikare aliyê kêr rewayiyekê navnetewî li warê dosyeya navîkî bidestve bîne, û herweha ji wan gefên ku dijî damezravên navîkî li holê de ne, kêr bike, ew yek wê deskevtek baş û pozetîv ji bo rejîmê be, lê di rastî de Amerîka û Rojawayî jî daxwaza poanên wek desthilgirtina ji piştvanîkirina girûpên tundrew ên îslamî li

herêmê û beşdarînekirina li tepeseriyê xelkê nerazî li Sûriyê de ji deshilatdarên rejîmê dikin, ku li gorî vê nasyariya ku me ji vê rejîmê heye, gellek zehmet e ku poaneke weha bide aliyê hember, ji ber ku ew rejîm ne xwe girêdayî wan sozên ku dide dibîne, ne jî bi bê pêkanîna kirîzan dikare bijî.

Domandina wan gotûbêjan xesarkirina demê bi qazancê rejîmekê ye ku dikare bi dana sozên bi direv bi rojawayiyan, programa xwe ya navîkî li rasteriya armancên nemirovî û deshilatxwazane ên xwe de ber bi pêşve bibe, her çend ku Obama ragehandiyê ku "pencereya dîplomasiyê hêdî hêdî tê daxistin, û dem ji bo bersivdana bi xwastekên navnetewî sînodar e, û heke rejîma Îranê bi dûr ji çavdêrîkirina lêgerên "IAEI" li ser programa we ya navîkî berdewam be ew wê bi gemaroyên tund û şikênertir re berbirû be".

"CPJ"ê rapora xwe ya herî nû bilav kir

Îran çaremîn welatê serkutkarê çapemeniyan li cîhanê de ye

Li gorî rapora Komîteya Piştvanî ji rojnamevanan, Îran, Sûriye, Koreya Bakûr û çend welatên din jî çûne nav rîzbenda wan welatên ku bînpêkarên azadiyê ne.

Komîteya Piştvanîya ji rojnamenûsan li rapora xwe de cuda ji vê ku Sûriye û Koreya Bakûr wek sebebkarê ne cihgirbûna Jeopolîtîk û navîkî daye nasandin, Îran car din jî xistiye nav rîza welatên bînpêkarê mafê mirovan.

Li rîzbenda vê komîteya navê welatên wek: Êrîtire, Gîneya Ostiwayî, Ozbeistan, Miyanmar, Erebiştana Seûdî, Kûba, û Bîlarûs tînin.

Her di vê raporê de hatiye ku hikumetên Îran û Sûriyê û Koreya Bakûr bi awayê herî xirap rojnamevanan tepeser kirine, û Îran li pileya 175'ê de cih digre.

Her di vê derheqê de welatên wek Fenland, Norvêj û Holend şiyane ku pileya herî baş di warê azadiya çapemeniyê de bidest bixin.

Rapora han derheq Îranê dide zanîn ku rejîma Komara Îslamî bi awayekî herî xurt sansorê dimeşîne. Herweha îşare bi binçavkirin, destbiser kirina berfireh a rojnamevanan bi armanca bêdeng krîna ve texa çalak û herweha derbelêdana ji kanala gihandina zaniyariyan dike û bi giştî navê 151 rojnamevanan jî wek rojnamevanên girtî di vê raporê de hatiye, ku ji wan girtiyaan 26 kes di girtîgehên Îranê de ne, ku navê Ednan Hesenpûr û Mihemed Sidîq Kebûdwend jî di nav raporê de cih digre.



Li yeksala borî de 74 kolberên kurd li deverên sînorî de hatine kuştin



Kempîna navnetewî a Mafê Mirovan ragihand ku di nav yeksala borî de 74 kolberên kurd li ser sînorê Îran bi Turkiyê û Herêma Kurdistanê hatine kuştin û 76 kolberên din jî birîndar bûne.

Hadî Qaimî, berdevkê Kempîna Navnetewî a Mafê Mirovan li Îranê ragihandiye ku kuştina berdeham ya kolberên kurd ji aliyê hêzên ewlekariya Îranê ve, nayê qebûl kirin û pêwîst e Hikûmeta Îranê di zûtirîn dem de cinayet û tawanên han bide sekinanadin.

Kesê navbirî ev jî gotiye: "Bikaranîna çek li hemberê kolberan ku tenê ji bo îdareya jiyana xwe eşya ji sinor derbas dikin, binpêkirina qanûnên navneteweyî ye û pêwîst e di vî warî de lêkolîn bînin kirin".

Kempîna wê jî radigihîne ku renge rêjeya rastîn a kuştî û birîndaran ji vî zêdetir be, lê ji ber sirûştîya navçeyê ya taybetî ya sînorên Kurdistanê, zanyarî negihîştine destê me.

Ji bilî êrişê hêzên sînorî ên Komara Îslamî li ser kolberan, her sal çendîn kolberên kurd ji ber sebebê serma û sexletê yan teqîna mayînan, li çiyayên ser sînor ên Kurdistanê cane xwe ji dest didin.

Ji hêla din ve jî Ehmed Şehîd, raportorê taybetî yê NY ji bo mafên mirov li Îranê, di rapora xwe de îşare bi zulm û fişara Îranê li ser kolberên kurd kiriye û nîgeraniya xwe ji kuştina sistematîk a kolberan ji hêla rejîmê ve nîşan daye. Pêka yasya Îranê dive ew kasibkar û kolber li weha egerekê de tenê bi cezayên madî û çend meh girtinê bînin cezadan, lê hêzên sînorî îzna destrêjî û gule barandina li ser wan hene û her sal bi dehan kes jî wan dikujin û bi sedanan jî birîndar dikin, herweha hesp û dewarên wan jî dikujin û barên wan jî zewt dikin.

Hêzên Ewlehiyê ên rejîma Îranê êrişî ser kedkarên bajarê Sine kirin

kedkarên perêzgeha Sinê ku di roja cîhaiya kedkaran de lihev civiyabûn, digel êrişê hêzên ewlehiyê ên rejîmê berbirû bûn.

Yek ji xebetkarên kedkarî li bajarê Sinê ragehand ku daxwaza me ya ji bo birêvebirina meşa kedkarî ji aliyê karbidestên Komara Îslamî ve nehat pejirandin, lewra kedkarên vî bajarî digel malbatên xwe li ser yek ji şeqamên bajar kom bûn, lê ketin ber gaza rondikrêj û batûman û erîşa hêzên ewlehiya rejîmê. Di encama êrişê de pênc kes hatine dastêser kirin.

Gelaleya kêmkirina temenê zewaca keçan û sêksa dawîn bi hevîna mirî re, li Misrê de bûye pirsgirêk

Pêka nûçegihaniya "shahrazad news"ê, nîqaşa li ser du gelaleyên yasayî ku ji aliyê Îslamiyan ve bona dengdanê bo parlamentoya Mîsrê hatine şandin, kêşeyek mezin afirandiye.

Yek ji wan gelaleyên yasayî li ser kêmkirina temenê zewaca keçan ji 16 salî bo 14 saliyê ye, û gelaleyek din vî îznê dide mêran ku di gel jina xwe ya koçkirî heya şeş demjimêran piştî mirinê sêksa xatirxastinê bike.

Li gorî rapora Şût newes her du gelale jî bûne sedema vî ku li civaka Mîsrê de pêk hatiye û bi taybetî bûye sedema nerazîbûna girûpên çalak ên mafê mirovan.

Ew yasa li ser bingeha dersên ruhaniyê Merakişî wate Zemzemî Ebdol Barî, ketine ber bas. Bîr û hizrên wî gellek caran bûne sedema kêşeyan, bi taybetî vexwarinên Elkolî, bo jinên pê giran. Bi raya wî ruhaniyê Merakişî zewac bi mirinê bidawî nabe, û jin û mêran mafê vî hindê hene bi jina xwe ya mirî re jî karê cinsî bikin.

Rojev



Êrişê ser Îranê, senaryoya herî bilez û berdest a Pintagonê

Ji Farsî: Agirî

Rojnameya Waşington Taymzê li hejmara xwe ya du rojan berî niha de nivîsek weşand ku têde eşkere dika artêşa Amerîka mijûlê nixandî û guhertina pîlanên xwe ên şerr, hevterîbî li gel nexşerê û rênimayî ên leşkerî ên pênasekirî ji aliyê serkomarê Amerîkayê ye. Li gor vî rojnameyê, amadegî û xweberhev kirin ji bo operasyonê leşkerî li dijî Îranê, ji senaryoyên herî berdest û bilez ên wezaretê Berevaniya Amerîkayê tê hesibandin.

Rojnameya han ji zarê çavkaniyên haydar dide zanîn ku artêşa Amerîkayê li ser vî bawerê ye ku dikare li midehê kêmtir ji sê heftiyên de ji riya êrişên esmanî û deryayî ve hêzên leşkerî ên Îranê jî nav bibe. Mifah standin ji vebijêrkek weha, reaksiyon û dijkiyarek dibe bi êrişê Komara Îslamî bo ser gemiyên Amerîkayî yan navnetewî li Xelîcê yan jî hewlek rejîmê bona daxistina gewrî û tengava Hurmuzê ku ji riya wê ve pênc yeka çavkaniyên neftî ên cîhanê ji bo bazarên navnetewî tê veguhastin.

Waşington Taymzê zêde kiriye ku Amerîka bi awayek gav bi gav hêzên leşkerî ên xwe li Xelîcê de bihêz dika. Amerîkayê du gemiyên şerr ên xwe (Abraham Lînkoln û Întir Pirayz) li xelîcê de cihgîr kirine û herweha bi hejmara gemiyên Mayîn mandel ker û balafirên xwe jî her ku diçe zêdetir dika.

Heftiya derbasbûyî jî

çavkaniyên leşkerî li Amerîkayê de eşkere kirin ku wî welatî hejmarek ji balafirên herî pêşketî û modern ên xwe ji corê F-22 li Îmaratê de cihgîr kirine. Serheng Taylêr, berdevkê fermaneriya artêşa Amerîkayê li deverê de ragihandiye ku: Herçiqa ku êrişê leşkerî li dijî Îranê li destûrê kara artêşa Amerîkayê de nine, lê hêzên nîzamiyê ên Amerîkayê li jêr fermana Pintagon û Koşka Sipî de amadeyê ber bi rû bûna bi her egerekê li deverê de ne.

Waşington Taymzê her weha dinivîse ku artêşa Amerîkayê dê li hemberî egera dagîrkirina Koreya Başûr ji aliyê Koreya Bakûr ve wê jî hêza esmanî û gemiyên şerr ên xwe li deverê de mifahê bistîne û ber bi rû bûna erdî jî wê bixe stûyê hêzên Koreya Bakûr.

Li nexşe riya leşkerî a Amerîkayê demifahstandin ji hêza erdî di şerrên giran û mezin de pêgehek taybetî heye. Lewma niha şûn de Artêşa Amerîkayê dê ji hevalbendên xwe bixwaze ku encama operasyonên erdî bigrin stûyê xwe, li halekê de ku hêzên esmanî û deryayî ên Amerîkayê wê êrişên hevpar dê bişopînin û serperistî bikin.

Li gor rojnameya Waşington Taymzê, serkomarê Amerîkayê li Januaria derbasbûyî de nexşeriya leşkerî a Amerîkayê li Xelîcê û iqyanûsa Aram de li 8 rûpelan de xistiye ber destê arteşê. Ew nexşerê tekez li ser mifahstandinê ji yekîneyên biçûk û bilez ên hêza esmanî û deryayî a Amerîkayê dika.

Roja Cîhanî a kedkaran û rewşa wan di Îranê de



Arif Velzî


Di despêka meha May a sala 1886 an de, kedkarên Amerîkayê seba Xirabiya rewşa kar û herweha daxwaza avakirina binyad û yekîtiyên kirêkarî di welatê xwe de, xwenîşandanek berfireh rêxistin ku pêlên wê seranserê Amerîkayê xiste bin bandora xwe. Di roja çarem a xwenîşandanê de, polîsê Amerîkayê li bajarê Şikago yê ku nêzik bi 90 Hezar kes têde beşdar bûn, destrêjî kir ser xelkê nerazî û di encam de gelek kuştî û birîndar lê ketin û herweha çend kes ji rêberên xwenîşanderan jî, ji aliyê Dadgeha Amerîkayê bi cezayê îdamê hatin mehkûm kirin. Piştî derbasbûna sê salan bi ser wê bûyerê de, wate di sala 1889an de, û li ser daxwaz û pêşniyara nûnerên kirêkarên Amerîkayê, Kongireya Navnetewî li Parîsê, despêka meha May, wate 12ê Meha Banemerê weke roja

kedkarên cîhanê hilbijartin. Piştî biryara Kongireya Navnetewî, di gelek welatên cîhanê de, salvegera bûyera Şikagoyê tê bîranîn.

Di rewşek weha da ku li piraniya welatên cîhanê û ji aliyê hemû rêxistin û binyadên kirêkarî ve, hewil tê dan ku jiyana kedkaran weke texa herî zehmetkêş ya civakê bihê başkirin, berpirsyarê Maliye kedkarên Îranê ragehand ku tenê di sala derbasbûyî de, 100 hezar kirêkar di yekîneyên berheimanî de, li ser kar hatine avêtin û bi vê çendê jî jiyana wan ber bi rewşek aloztir û nediyar ve diçe. Navbirî nirxa bêkariya jinan di Îranê de, du hemberî mêran da zanîn. Eve jî dibe sebeb ku jin bikewin bin bandora diyardeyên xirab ên civakî, yan jî bi tenê mijûlî karûbarên malbat û xwedî kirina zarokan bin.

Serbarê helawsan û giraniya bazarên Îranê gelek gefên din weke nebûna asayîşa karî, kar kirina qerardadî, paremana heqdestan, nebûna bîmeya kar û, Jiyana kirêkaran xistiye bin bandora xwe.

Yekî din ji arîşeyên kirêkaran di Îranê de ku dibe seba xirab bûna jiyana û bînpêkirina mafên herî despêkî ên wan, nebûna sazî û rêxistin û binyadên taybet bi kedkaran in, da ku bikarin di bin siya wan rêxistinandin de berevaniyê ji



mafên xwe ên bînpêkirî bikin. Herçend ku eva vedigere ser kirîza azadiyên siyasî û medenî di hûndûr welat de ku di bin siya siyasetên dijî mirovî ên Komara Îslamî de hatine pêpeskirin. Lewma çalak û xebatkarên kirêkarî di Îranê de hertim digel girtin û îşkence û bigre îdamê jî berbirû ne.

Serbarê ev hemû asteng û arîşeyên ku li ser rêya jiyana kirêkaran di Îranê de heye, diyardeyên nigetîv ên civakî weke leşfiroşî, bengdarî, bêparbûn ji xwendinê, bêhîvî bûn ji jiyana û pêşerojê, givaşa ser qata kirêkar zêdetir dike.

Hêla hejariyê di sala 1391an de, 1 Milyon û 400 Hezar Tûmen û hêla hejariya bi xurt jî 700 Hezar tûmen ji aliyê karbidestên Komara Îslamî

ve hatiye diyarî kirin. Herweha destheqê kirêkaran jî di sala 1391an de, 390 hezar Tûmen hatiye diyarî kirin. Lewma ev jî weke belgeyek bihêz diselimîne ku kirêkar di Îranê de, li nêzik hêla mirinê jiyana xwe derbas dikin.

Di heyamê pitir ji 30 sal temenê Komara Îslamî de, em dibînin ku roj bi roj jiyana xelkê Îranê bigiştî û kirêkar bi taybetî, serbarê wê ku Îran 5mîn welatê dewlemend û xwedî petrol û çavkaniyên xwezayî ên bin erdê di cîhanê de ye xiraptir dibe, ew jî wedigere ser vê yekê ku beşek ji dahata petrola Îranê ji rêya çêkirina çekên navîkî û herweha piştewanî kirin ji rêxistinên Hizbula li Lubnanê, girûpên Şîe li Îraqê, Hamas li Felestîne û karûbarên terorîstî di cîhanê de tê mezaxtin.

Di pêşvebirina zimanekî yekgirtî de rola medyayê

Hewar

Danîna programên bi zimanê Kurdî li Radyoya Bexda, Rewan û Kirmanşayê karî aliyê kêm valahiyeke her çend kêm jî di warê parastina wêjeya Kurdî de tije bike.

Programên wek deng û bas, helbest û mûsîqî, stranên daxwazkirî, xwendina namên guhdaran, fulklor û şanoyên radyoyî xalên hewbeşe wan sê radyoyan bû.

Herçend ku ew radyo ser bi dewletên wan welatan, yanî Îran, Îraq û Ermenistanê bûn û siyastên wan dewletan dimeşandin û li gor berjewendiya wan bernamê bilav dikirin, lê dîsa jî li dema xwe de, ji bo hevgerîna gelê Kurdî û nêzîkbûna zaravên curbicur bandora xwe ya sereke henû. Em niha dibînin dehan kanalên televizyonî û îzgehên radyoyî şev û roj bernaman bi Kurdî bilav dikin û bi milyonan temaşevan û guhdar hene. Bi dîtîna û bihîstîna wan bernaman çand, huner, edebiyat û zargotina Kurdî digihîje guhê gel li herderî. Ew yek rê ji bo çêbûna zimanekî yekgirtî li pêşerojê de vedike. Pêlên medyayan sînorên heyî di navbera gel da ji nav radike û gel digehîne yektir.

Ez hewce dizanim ku rola

medyayê li Rojhelatê Kurdistanê de şirove bikim, da ku girîngiya wê ji bo perwerdeyî û yekgirtina zaravan kifş bike. Yekemîn car li Îranê, di sala 1959'an de Radyoya Tehranê 15 deqeyan program bi zimanê Kurdî jî weşand. Ew program ku ji du zaravên Soranî û Kirmançî pêk dihat, tenê nûçe û şirovên siyasî bi xwe ve digirt. Lê berî wê, radyoya Kurdî ya Rewanê, (Yerîvanê) li paytextê Ermenistanê li sala 1950'î de programên Kurdî bilav dikirin. Hevdem radyoya Bexdayê jî mijûlî bilavkirina programên Kurdî, lê di çarçoveya berjewendiyên xwe yê siyasî de bû. Wê demê deshilatdarên Îranê jî bona ku propaganda xwe li dijî dewleta wê demê li Bexdayê bihêz bike, û deshelata xwe li Kurdistanê berfirehtir bike, di sala 1963'an de Îzgehekî Kurdî li bajarê Kirmanşanê damezrandin. Bernamên radyoya Kirmanşanê jî bi du zaravên Kurmançî û Soranî bûn, lê carna bi Hewramî û Kirmanşanî jî stran dinav hindik programên taybetî de dihatine bilavkirin.

Her wê demê, li bajêrê Mesheda navenda Xurasanê de, programeke radyoyî ji bo Kurmançên wê deverê hate avakirin, ku pêlên wê digihîştne guhê bi milyonan Kurdî.

Programên Kurdî sal bi sal zêde dibûn, û şeş sala şûnde yanî sala

1969'an li bajarê Urmîyê îzgeyek Kurdî bi zarê Kurmançî dest bikar bû. Ji taybetmendiyên radyoya Urmîyê pêkanîna deste û girûpa mozîkê, qeydkirina stranên, gazîkirina stranbêjan li derveyî Îranê, yê weku rehmetî Ewdî li bakûrê Kurdistanê, û qeydkirin û bilavkirina dengê wan bû. Tiştê balkêş ya radyoya Kurdî ya Urmîyê beşdarkirina karmendên jin bona belavkirina bernaman û bangkirina stranbêjên jin, û qeydkirina dengê wan e. Wê demê belavbûna dengê jinan li ser radyoyê û heta karmendbûna wan, li cem malbatê û di nav civakê de, cihê şermê bû. Piştîvanî û perwerdekirina jinan, herwisa birina wan bo ser kar û xebatên îdarî û civakî girîngiya xwe heye.

Herweha li bajarên din yê Rojhelatê Kurdistanê ji wan li Mehabad û Sine radyoyên Kurdî hatin avakirin. Ez bixwe wek karmendê bernamên Kurdî, ku nêzî 30 salî li medyayên Kirmanşan, Tewrêz, Urmîye û Tehranê de xebitîme (1973-2003), rola wan medyayan di pêşvebirina ziman û parastina çand û hunera Kurdî de gelek girîng û jêhatî dizanim. Di vê serdemê de ku xwandin û nivîsîna bi Kurdî qedexe bû, radyoyên Kurdî weku

xwandingeh û zanistgehan têne hesibandin.

Hebûna çirokan û şanoyên radyoyî, beyt û fulklora Kurdî, stran û mozîkê, dibû sedema yekbûyîn û yekgirtina gel ji aliyekê û ji aliyek din ve, dibû hegera li hew nêzîkbûna zarave û devokên Kurdî, bi vî awayî rê ji bo çêbûna zimanekî yekgirtî divebû.

Pê zêdebûna madyayên Kurdî, herwusa kovar û rojname û belavokên Kurdî bi zaravên curbicur, nêzîktirbûn zaraveyan baştir bûye, û çêbûna zimanê standard, hêsan û sanahî dike. Herçendku çêkirina zimanekî yekgirtî demek dirêj pê divêt, û grêdayî bi rewşa ramyarî û cî û zemanê xwe ye, lê dîsa jî peywendên navber medya, Enstîto, û çapemeniyên Kurda dikare gavekî bilind be ji bo bicih hatina vê armancê.

Di vê navberê de rola konferans û fistîvalan jî nabe mirov berçav negire, konferansên li ser ziman û çand û hunera Kurdî têne lidarxistin, valahiyên heyî navbera zaraveyan û çanda gel de ji nav dibe, û hesta yekdilî û yekzimanîyê dêxe nav dilê gel de.

Deskewta karê medya û çapemeniyên Kurdî perwerdekirina nivîkar, helbestvan û hunermendan ji aliyekê ve, û ji aliyê din ve zindîkirina pênasa gel yanî zimanê wî ye.

Gelik mirovên mezin ji bo armancên mezin û bo xizmet bi mirovahî û serbestiya gelan canê xwe gorî kirine û heta heta di nav dilê evîndar û rêvîngên rîya xwe de dimînin. Hin mirovên din jî di jîna serbilindane û bi ked û xebata xwe ya pîroz tiştêk ji wan şehîd û sembolan kêmtir ninin; çimku wan j xweşiyên jiyane ji xwe herimandine û temenê xwe kirine goriyê vê rîya pirr buha. Ji wan "Yûsif Kenanî" naskirî bi "Mam Yûsif" û "Gulê Îbrahîmî" naskirî bi "Bace Gulê" du xebatkarên dêrîn ên PDK Îranê ne.

Kewêzer

Yûsif Kenanî naskirî bi "Mam Yûsif" pêşmergeyekî dêrîn û xebatkarek bi bîr û bawer e kutemenek 75 salî derbas kiriye û pêtirî 30 salan e di refên PDK Îranê de bo çirkeyek jî dest ji kar û xebata xwe bernedaye.

Mam Yûsif, mirovekî xweşbêj, henekbaz, xwîn şirîn û hezkiriyê hevalan û di heman dem de bi îman, wêrek û dil soj e.

Mam Yûsif ku li gundê "Geklên" a ser bi devera "Jawaro" a bajarê "Sine" ji dayîk bûye; dibêje: Dema ku min bi çavên xwe didît eskerên Îranê dihatin xelîk azar didan û li ber çavên malbat û zarok û mêran jin dixistin bin pêlawên xwe, wijdana min dihejiya û çokên min dilerizîn. Min digot tu bêjî riyek nebe ku em bikarin jin û zarokên xwe li ber dest û pêyên wan xwînmij û ne mirova rizgar bikin?

Mam Yûsif axaftina xwe domand û got: Ez pirr hizirîm, aqîbet min biryar stand. Min tevî xwe soz da ku bêdeng nebin. Min dît ku tiştêk û riyek ji bilî beşdarîkirin di xebata ku PDK Îranê birê xistiye baştir tune ku em bigîjin wê armanca xwe, vêca bi saxî yan jî bi mirina min be, ne girîng e.

Lewra min di destpêka şoreşa 1379'an a gelên Îranê pêwendî bi PDK Îranê ve girt.

Piştî wan êrîşên giran ên rejîmê ku li ser gundên Gelên, Niyer û Tengîserê li devera Jawaroya Sinêhatun kirin û tirajîdî afirandin, min biryar sitand ku tevî refên pêşmergan bibim, û ez bi fermî bûm pêşmergeyê PDK Îranê.


Ez heyamekê li Nawenda 1'a Kurdistanê mam û li wir di bûyereke de min çavek xwe ji dest da û êdî min nekarî bi hêza pêşmerge re biçim hundirî welat.

Ez li binekyên partiyê mam û her karek bi min disipartin, min bi dilek vekirî encam dida.

Wê demê partiyê ji bo bijîva jiyana pêşmergan pez û malat xwedî dikir, daxwaz ji min kirin ku ez bibim şivanê pez, min ew jî pejirand û min bi salan ji pêşmergan re pezdarî û şivanî kiriye.

Rojekê baranek dijwar dibarî û ez li ber pez bûm, ne nanê min mabû ne jî cigare, min pez berbi miqeran ve ajot, min dît ku kesek bi pêlawên dirêj "çekme" an di baranê de dibeze. Min gazî kir, lê bersiva min neda, hema min jî axaftinek nebaş jêre got û min gotê

Min bi salan ji pêşmergan re şivanî kiriye



hooy!!!ka cigareyekê bide min, ez westiyayî, bîrsî û tînî me;lê wî gavên xwe xurttir avêtin û ji min derbas bû û çû. Demek pêçû kesek bi navê "Ehmed" hat û çend cixare ji min re anîn û got ha keremke ez dizanim ku tu bê cigare mayî, min jê pîrsî tu çawa di zanî? got min wa hîs kir.

Piştî heyamek zaf, rojekê Ehmed hat bal min û got ew kesê ku di roja baranê de dijûn jêre dabûn, ew "Dr. Qasimlo" bû! Û keremkir ku ez wan cigareyan jîtere bînim, lê daxwaz kir ku nebêjê "Qasimlo" ew cigare jêre şandine, ji ber ku ger ez çûbam bal wî û ez nasûbam, dê şerm bikira lewma baş bû ne ez naskirim û neji bila bizane ku ez bûme.

Mam Yûsif piştî veğerandina wê serpehatiya xwe a bi Dr. Qasimlo re, nekarî xwe kûntrol bike û gelek rondik barandin û demekê jî bêdeng ma û piştêre got: "Ew maba ez tucar pîr nedibûm".

Cara duyem jî dengê "Mam Yûsif" hat guhertin û car din giriya û axînek kûr hilkişand û got ax "Dr. Şerefkendî!!!

Vêca ji bo "Mam Yûsif" ez jî bibêjim, ma qey felek ewqas kor û kerr e kederên li ser dilê "Mam Yûsif" jî hîs nake? Gelo çawa xebatek li ser destên tîştîşbûyî û dilên paqij ên wan xebatkaran nagîje armanca ku "Mam Yûsif" 50 sal e çavniher e?!

Ger ew maba, ez tucar pîr nedibûm!



Gulê Îbrahîmî, 45 salî di temenê ciwaniya xwede bûye pêşmergeya PDK Îranê. Ew li gundê "Pirdanan" li devera "Pîranşar"ê li malbatek xebatkar ku bavê wê pêşmergeyê Komara Kurdistanê bûye ji dayîk bûye. Bi gotina wê di temenê zaroktiyê de ji ber ku gundê wan li ser rîya hêzên pêşmergan bûye, ji aliyê din ve jî bavê wê xebatkarê kevînar yê PDK Îranê bûye, hertim basên şoreşa Kurdî û xebata PDK Îranê di mala wan de zindî bûye û vê yekê jî bandor li ser "Gulê" çêkiriye ku weke keçek ciwan û nûgiha pêwendî bi PDK Îranê ve bike û bi awayek nepenî hevkarîya hêza pêşmerge bike.

Xuşke Gulê heya niha jî nezewiciye û hertim cil û bergên Kurdî ên pêşmergan ji xwe dike.

Ew dibêje: Mixabin di çanda me a Kurdî de bi taybetî 30- 40 salan berî niha xwendin ji keçan re qedexê bû, lewma ez nexwendewar mam, lê min paskên xwe ji hêza zanîn û hestên netewî betal nehişt. Min bi wî awayî dest bi xebata siyasî kir: Ez û çend keçên din ên gund bi hev re heval bûn û me biryar sitand ku em pêwendî bi PDK Îranê ve bigrin. Me ew têkilî çêkir û bi awayên cur bi cur me hevkarîya pêşmergan dikir. Bo mînak, pîrraniya caran dema ku me dizanî êrîşa hêzên rejîma îslamî a Îranê bo ser pêşmergan birê ketiye, me bi hêceta giya, pancar, bêr û pezdoşîn, û htd, bilez xwe digihand cihê pêşmergan û me ew haydar dikirin û em vedigeriyan. Piştêre me akama erênî û bandora wê haydarkirinê piştî şerrek giran didît.

Gulê got: Ji bo ku min karîba pêtir xizmet bi pêşmergan bikim û erkê partiya xwe bigîjînim cih, di gund de min ji xwe re dikaneke biçûk ava kir. Tiştên ku di dikana min de dihatin firotin, pîrranî hewcehiyên pêşmergan bûn, lê min tucar bi pere tişt nedidan pêşmergan. Hesta min ev bû ku erkê min e ez pêşmergan xwedî bikim, çimku wan di nava dilê min de cih hebûn.

Di gundê me de paygeha dujmin hebû, û serbaz û pasdar dihatin dikana min, min tişt nedidan wan û pîrraniya caran dibû hela hela û denge denga min tevî pasdar û serbazan û dilê min qîrar nedida tiştên ku min ji pêşmergan re anîne, heta bi pereyekê zaf jî bifroşim pasdaran. Çimku dikana min ne dikana kasibiyê bû, berdilê min miqereke partiyê bû.

Min mil bi milê pêşmergan di xebata çekdarî di gelik şerrên giran de beşdarî kiriye



Dema ku xebata min pêtir derket holê, guman çêbû û hevalekê ji min re got: "Tu yê bihêy girtin û gerek tu çareyekê ji xwe bikî". Dema ku min dît ew tişt rast e, ez êwarekê reviyam û çum piştê gund di nava daran de min xwe veşart, heya sibê ez hişyar mam, sibê zû turumbêlek dewletî çû ber deriyê me, vêca min zanî êdî ez nikarim veğerim malê.

Ez mam heya ewara din û dinya tarî bû û min xwe gîjand hevala xwe û min xatirê xwe jê xwast û ez birêketim bo nava pêşmergan. Wê rojê ez pirr giriyan, ez pirr xemgîn bûm, min daxwaz ji fermandeyê pêşmergan kir ku min bibin gund, fermande û çend pêşmerge tevî min hatin û em çûn gund û min malbata xwe dît û min bo yekcarî xatirê xwe ji wan xwast.

Wê demê sal 1987 bû û niha 2012'an e û ez berdewam di xebatê de me û min tucar hest bi westiyane nekiriye.

Di wan 25 salane de heyamê 10 heya 15 salan, ez mil bi milên pêşmergan di xebata çekdarî de bûme û min di gelik şerrên giran de beşdarî kiriye. Niha jî her dema PDK Îranê biryar bide bo xebata çekdarî, ez amade me û ji tu tiştêk natirsim.



Hejmar 182, 5'ê Gulana 2012

Şaristana Şino' yê



Navê bajarê Şinoyê li Kêl û belgeyên dîrokî de, wek Êşno, Eşne, Eşnonak û Eşîno hatiye nivîsandin ku tê wateyên gelî, giyayê Dovale û Kel.

Li ser kêla Korûşê Hexamenîşî Şahê Îrana kevinar bas ji herêmekê bi navê Êşnonak hatiye kirin, ku yek ji mezintirîn piştîvanên navhatî bûne.



Mecîd Cinîkanlû

Şino yek ji bajarên sînorî yên Parêzgeha Urmîyê li rojhilatê Kurdistanê ye. Şaristana Şinoyê li du bajarên Şino û Nelos û

herweha du herêmên bexşa Navendî û bexşa Nelosê pêk tê ku bexşa navendî ji du dêhistanên Şinoya bakûr û Deştêbêl, û bexşa Nelosê jî, ji du dêhistanên Şinoya başûr û Hêq, pêk tê ku pitir ji 77 gundan e.

Nifûsa wê Şaristanê li gorî Serhejmêriya sala 1385'an a Rojî 63.798 kes e, ku 32.184 kes Mêr û 31.614 kes Jin in. Pêka serhejmêriya sala 1388'an hejmara giştî, nifûsa wê Şaristanê 99hezar kes e. Navbera navenda Şaristana Şinoyê û Bajarê Urmîyê 70 kîlometir e. Şaristana han ji aliyê bakûr ve tevî Şaristana Urmîyê, li başûr tevî bajarê Nexedê, li rojhilat tevî gola Urmîyê û li rojava tevî Başûrê Kurdistanê hev sînor e. Hejmara nifûsa bajarê Şinoyê pitir ji 32 hezar kesî ye.

Xelkê herêmê hemû Kurd in û bi du zaravayên Kurmanciya jorîn û jêrîn dipeyvin. Kurdên herêmê hemû musulman in.

Bajarê Şinoyê bajarekî gelek xweş

û dilrevîn e, û ev bajar seba hebûna baxên Fîqiyên Gêlasê di Îranê de, bi bajarê Gêlasê hatiye naskirin.

Navê bajarê Şinoyê li Kêl û belgeyên dîrokî de, wek Êşno, Eşne, Eşnonak û Eşîno hatiye nivîsandin ku tê wateyên gelî, giyayê Dovale û Kel. Li ser kêla Korûşê Hexamenîşî Şahê Îrana kevinar bas ji herêmekê bi navê Êşnonak hatiye kirin, ku yek ji mezintirîn piştîvanên navhatî bûne.

Ji girîngtirîn şûnwarên dîrokî yên bajarê Şinoyê em dikarin îşarê bi Kêla bi nav û deng ya Kêla Şînê bikin ku bilindahiya wê 170 santîmêtr e, û bi 2 zimanê Êratorî û Aşûrî li ser Kêla han hatiye nivîsandin ku vedigere bo sedsala 8'ê a berê Zayînê. Tê gotin ku ev Kêl 900 Salan pêş Texta Cîmşîd bi fermana Îşponya Şahê Êratoran li bilindahiyên Rojavayê bajarê

Şinoyê li Sînorê navbera Başûr û Rojhilatê Kurdistanê hatiye danîn, û herwisa Kêlên Mirina Karwan û Çîşme Gol li Mozexaneya Bajarê Tehranê, yên vê herêmê ne.

Li piraniya pirtûkên dîrokî ên bajarê Şinoyê de, wek bajarekî bi Baxat û bedev ku avekî zaf heye, nav ji wî bajarî hatiye birin. Êbn Heqûl li pirtûka xwe ya bi navê Nizhet El Qolûb li sed sala 4'ê a koça Mangî de, bi nivîsîna 11 xetan li ser Şinoyê bas ji xweşî û girîngiya wî bajarî dike.

Xelkê herêmê bi giştî mijûlî Çandinî, Ajeldarî û herwisa kasibîya li ser sînor in. Herêma Şinoyê xwediyê gelek erd û zewiyên baş ji bo çandiniyê ye, û yekem cigareya Îranî bi navê Wîje bi Tûtina wî bajarî hatiye çêkirin.

Li herêmê de pitir ji 5 hezar hektar baxên Sêv, Gîlas, Qeysî, Gîz û...hwd hene, ku Gîlas wek baştirîn fîqiyê li herêmê tê naskirin. Herwisa li herêmê Genim, Nok, Silq, Sêvik û li hin cihan de Birinc jî tê çandin.

Li herêma Şinoyê gelek cihên dîrokî hene ku salane bi hezaran kes ji xelkê Îran û Kurdistanê serdana vê herêmê dikin. Hin cihên dîrokî û seyrangehên herêmê navhatî ne ji:

Parka Qelatûk, parka Ferhengiyên, baxên derdora bajarê, geliyê rûbarê Gelazê, seyrangeha Mîrawa, Kêla Kêleşînê, Kela gundê Sînganê.

Herêma Şinoyê gelek kesayetiyan mezin û mamostayên welatperwer hebûne û hene, û gelek kesên mezin ji wî bajarî hilketine.

Mîrza Mehmûd Xetatî, Şêx Seyîd Tacedîn Şinoyî, Hacî Mela Şêx Cesîm Kurdî, Şêx Ehmed Kor û bi dehan kesayetiyan welatperwer ji wî bajarî hilketine, ku hemûyan li rêya azadî û Kurdistanîyê de xebatekî zaf kirine. Li serdemê Komara Kurdistanê li sala 1945'ê li bajarê Mihabadê gelek ji welatparêzên wî bajarî û xortên xebatkarê kurd li wî bajarî beşdarî di refên Pêşmergeyên Komara Kurdistanê de kirin û li riya parastina Komarê de gelek xebat kirin.

Bajarê Şinoyê li cem Kurdên rojhilatê Kurdistanê wek bajarekî pîroz tê mêzêkirin. Simayîl Axayê Şikak rêberê şoreşa Kurdan li rojhilatê Kurdistanê li sala 1930'an a zayînî li wî bajarî li bûseyekî hêzên Dewleta wê demê a Îranê de hat Şehîdkirin.

Kurdên Şinoyê li rêya azadiya Kurdistanê de gelekî xebat kirine û di wê rêya Pîroz de gelek xortên xwe yên welatparêz pêşkêşî baregeha azadiya Kurdistanê kirine.

Niha jî xortên xebatkarê wî bajarî li nava partiyên Siyasî yên Neteweya xwe de, bi awayekî gelek çalak mijûlî berxwedanê ne, û jibo rizgariya Kurdistanê li dana tu nirxekê xwe naporêzin, lewra li cem xelkê rojhilatê Kurdistanê bajarê Şinoyê wek bajarê Şinoya Dilsoz hatiye naskirin.



Shno

Photo by : Keyvan Rasouliazar

Şahzade Nayif Erebestanî:

“Erebistana Seûdî û endamên Şevra alîkariya Kendavê li ser yek hêl û yekparçe di gel Behrînê sekinîne, û deshilatdarî û çarçoveya erzî a Îmaratên yekgirtî ên Erebî beşek ji ewlehiya kendavê ye”.



Omer Xulameli, endamê Komîteya Navendî yê PDKî

Rêzdar Omer Xulameli endamê Komîteya Navendî a PDKî axavtina Şahzade Nayif Erebestanî weha şirove dika:

“Di rastî de siyaseta komara Îslamiya Îranê di wartê xwe sepandina bi ser geklên Îranê û herweha welatên cînar de jî bûye sedema vê ku ew welatên Erebî li hemberî siyasatên rejîma Îranê û

Îdeolojiya vê rejîmê de kêşeyên xwe çareser bikin û li hemberî rejîma Îranê de yek helwest bisekinin. Herçend ew kêşeya li ser her sê giravan ne kêşeyek nû ye, lê di rastî de her ew siyasatên rejîmê ên ne durus û tevdanîkarane bûne sedem ku welatên Erebî bi hestyariyek zêdetir ve, vê pirsê bişopînin û bas ji xwedîtîyê wan giravan bikin”.



Ehedollah Darabî nûnerê parêzgarê Kurdistanê:

“heke bona pêşgirtina ji qaçaxa kalayan li ser sînoran hêzên Întizamî deh beramber jî bêne zêdekirin, lê malbat her bi vî awayî bêkar bin, mirov nikare ku daxwaza dest hilgirtina karê qaçax ji wan bike. Divêt di warê aborî de pirsgirêk werin çareserkirin, û malbatên hewcedar li gor jiyaneke normal dahat hebin da ku dest ji karê qaçax hilgirin”.

Rêzdar Omer Xulameli axavtina nûnerê parêzgarê Kurdistanê jî weha şirove kir:

“Di rastî de ew gotina nûnerê parêzgarê Kurdistanê li Îranê de ne afirandinek nû û ne jî axavtinek nû ye, rejîmek ku bixwe çavkaniya pêkanîna békariyê di Kurdistanê de ye bixwe baş dizane ku ji vî békariya xelkê Kurdistanê çi mifayekê wergire. di rastî de ne tenê li parêzgeha Kurdistanê belku li tewaya Kurdistana Îranê de ew qas kargeh û karxane û binyat tuninin ku têra xelkê Kurdistanê ên bê kar bike.

Bêkarî û rû kirina xelkê Kurdistanê ji bilî karê li ser sînoran bo başûr û nawenda Îranê ew qas rohn û berçav e ku heta nûnerê parêzgarê Kurdistanê û heta serkomar bixwe jî nikare haşayê lê bike.

Star Hidayetxah, nûnerê parlamentoya Komara Îslamî:

“Bi baweriya min bê hicabî û belavkirina hizrên nedrust pîlana dawî ya dujminên Nizama Komara Îslamî ye û zirara wê ji ya madeyên narkotîk jî zêdetir e. Herweha xuyakirina pirça jinan û tiraşîna rêdîna mêran li gor fetwaya şarezayên babetên şer’î heram e.



Birêz Omer Xulameli şiroveya wî li ser axavtina Hidayetxah jî weha bû:

“Di rastî de kes tune ku nasyar nebe di gel wan hemû kirîzên siyasî, civakî û aborî ku li jêr sîbera hikumeta “Rical” ya wî de, berok û pêsîra xelkê Îranê girtiye.

Her ew dîtingeh û bîr û hizrên paşvemayî û li gorî sedsala navîn in ku li sedsala 21'an de pîlana birêvebirina civakê

Ji aliyek din ve berevajiyê têgihîştina nûnerê parêzgarê Kurdistanê kolberî bi armanca peydakirina bijêwa jiyaneke şerafetmendane û li rûyê neçarî ve, di tu qamûsekê de karê qaçaxçîtiyê nine, belkû hewildane bo jiyaneke serfirazane û rejîm rojane bi gulleyan bersiva vê karê wan dide ku bixwe navê qaçax li ser daniye. Ya ku ji xelkê Kurdistanê re niha qaçax e, di rastî asayiş û ewlehî, avedanî û kar e”.



dadirêjin, û riya pêşkevîna civakê li çarşîw û rêdîna dirêj ya mêran de dibînin, lewra em bi awayek ber bi çav şahidê diyarokên wek Îtiyad, Fehşa, qetil û cînayetan li jêr sîbera vê rejîmê de ne. Eva ku bas ji zirara madeyên bêhişker di nav civakê de dike, hewce ye em bêjin ku her di vî warî de jî ew bi xwe sebebkarê belav kirina madeyên hişber li nav civakê de ne û bo xapandina xelkê û berxwar kirina raya giştî û rastiyan bas ji zîrarên wan madeyan dîkin”.



Agiri

Duheftinamêyêk siyasî, civakî, çandî û hunerî ye
Ku Partiya Demokrat a Kurdistanê Îranê diweşîne

www.kurdistanmedia.com/kurdi

Navenda bingehîn ya xebata Agiri li Kurdistanê ye.

Navnîşana derveyî welat:

AFKB.P. 102- 75623 ParisCEDEX 13 -FRANCE

E - Mail: agiri2003@hotmail.com

agiri2003@gmail.com, rojnamaagiri@gmail.com



Urmiye, devera Mirgewer,
gundê Jarava

Zirarên bêhicabiyê ji zirarên madeyên hişber zêdetir in!!



Nûnerê parlemêntoya Komara Îslamî
got ku, Zirarên bêhicabiyê ji zirarên
madeyên hişber zêdetir in.

Setar Hidayetxah,
Nûnerê bajarên Boyêr
Ehmedê û Dinayê got,
tiraşîna ridînê heram e û
bi bawerîya min bê hicabî
û belavkirina hizrên
nedurust pîlanê dawî ya
dujminên Nizama Komara
Îslamî ye.

Navbirî di doma
axaftina xwe de dibêje ku
xûyakirina pirça jinan û
tiraşîna rêdîna mêran li
gor fetwaya şarezayên
babetên şer'î heram e!!!

Deh wergirên xelata Nobelê daxwaza azadkirina Nergis Muhemedî kirin



Kesayetiyan wek Mixayil Gorbaçof
(Rûsiyê), Dalaylama (Tebet), Mayrid
Migwayir (Îrlandî), Rîgobirto Manço Tam
(Gowatmala), Cûdî Wilyamz (Amerîka), Lix
Walsa (Lehistan), Mihemed Yunis
(Bengladîş), Saziya Aştiya Navnetewî
(Swîs), Damezraweya Albêrt Şiwaytzêr
(Amerîka) bi derkirina daxuyaniyê
daxwaza azadkirina Nergis Muhemedî,
cihgira Nawenda çalakvanên mafê mirovan

û berpirsa Heyeta
Birêveberiya Şêvra
Netewî a Aştiyê kirin.

Di beşek ji vê
daxuyaniyê de hatiye ku
"Nergis Muhemedî
çalakvana mafê mirovan a
Îranî li dadgehîkirinek ne
dadperwerane bi şeş salan
hepsê hate mehkumkirin.
Tawana wê endamê û
çalakiya li nawenda
Çalakvanên mafê mirovan
de ye.

Ew nawenda navbirî li
sala 2001'an de ji aliyê
Şîrîn Îbadî û çend kes ji
hevalên wê ve hate
avakirin, û serokatiya wê
navendê li stûyê Şîrîn Îbadî
bû.

BDP: "Amerîka pîrsgirêka Kurdî baş têgihîştîye"

Hevseroka BDP'ê Gultan
Kîşanak da diyarkirin ku
Amerîka pîrsgirêka Kurdî
baş têgihîştîye û fikra xwe ya
derbarê pîrsgirêka Kurdî de
guhartiye.

Kîşanak derbarê serdana
şande BDP'ê ya li Amerîka de, ji
rojnameya Radikal re axivî û got
ku: hêviya berpirsên Amerîka ji
bo demokratîkbûna Tirkîyê heye. Herweha ew ji siyaseta Tirkîyê li dor
Sûriyê aciz in. Kîşanak da diyarkirin ku Amerîka fikra xwe ya der barê
pîrsgirêka Kurdî de guhartiye û êdî weke berê pîrsa Kurdî bi tundiyê
nafikre. Ew PKK'ê ji parçek girîng ji bo çareserîya pîrsa Kurdî dibînin ku
divê muxateb were dîtin. Amerîka êdî dest bi dîtina hemû wênayan kiriye.

Kîşanak da diyarkirin ku berpirsên Amerîka gotine, daxwazên wan ji
Tirkîyê hene pîrsa Kurdî bi riya aştîyê çareser bike, daxwazên wan yê
demokratîkbûna ji Tirkîyê hene.

